

## **ITHIKEPU CHIPIU YEZA 2005 LO TIMIQO KICHEKUTSU KAKU**

Ithikepu chipiu (RTI) ye ighono akumto yezah lakhi, hipau vechewono noye yepeka eno akumla lo akeqo kumla ghola kilitsulu nani. Iniju keu lono noye yepeka pelo jupili kumsai eno pulube kulupu ghola lono mlalupe nani. Ghileqhi 12 2005 lono huthuno akumto yeza hipau o-ulo suve tsua. Inaqhoi iqa akevalo ikemu jukutolo eno ithikepu chipiu yeza hipau pe ithalo.

**2. AKIMJI:** Aqo kumlapulo jupilikumsai, pulukulupu shinikeu eno shikupsa shipuhalu nike ghenguno.

**3. AGHOLA KIKILI:**Indiami yeza qo dolo hino.....

- i) Ato kilonser eno Kedage shoumu amakho belunikeu. (India Yezabo loye akipimi bemla kepu yeza ghi hami ani).
- ii) yepekano mla akelo xukuamino jukuto lunikeu yeza.Jammu &Kahmir loye peithamo.

**4. RTI yeza kiqilo noye Aqo yekipemi khiukhiu laumu mosakepu injulu nani.** Aqo yekipemi (Public Authority) ipi akeuye:

- Central, State eno aqhou ayekipe mqo jeli khikhi Yezabo kiqi lono momu State momu Central yeza zakutha vecheono khaqhi puakeqo. Hipau kiqiye Kedage, ayeza kumlami (legislature), Kilonserqo eno akumla loka jeli kumtsu bothape ani.
- Kiu kiu mqomu eno NGO mu yepeka no akukuphu tsuno pesu itha keu mqo shi aghi aye tipaqo hiyam lau pithitsu penike injulu nani.

### **5. NOYE KIU TOI KEU INIJULU NANI KEA?**

Ithikepu sutsa ipi akeuye ajeli ani, ike tiyeakiye pasu kikithiqo, aulo kiye akeqo, e-mailqo, file lo yepuakeqo, aqhalo yekulha shikeqo, pithikutsutsa eno yekikithi jeliqo. Tinguno alau akiye pekutsupe qhiche keqo electronic nhemgha qolo akeqo.

**6.(a) ‘Ithikulupu chipiu’ ipi akeu kiqiye noye hipaqo chipiu ani:**

- i) akiye pasu kiu kiumu ikhilu nikeu.
- ii) Yepeka hiyam lo kaku kumla pasuqo lhejulu nani

- iii) Aki kumla eno alaghi kumlaqo ampino chheju lunikeu.
- iv) Akiye pasuqo qhophe (Xerox) eno yephe lunikeu.
- v) Amichi shinike ghenguno kumsuju kelo azu lhokusa, alaghi kumla nhemgha eno memukhu (cement) toi keu pewo julu nani.

**6. (b) Ikemu ado hami loye pithitsumla kepu akeuye hitoi keu lono:**

- i) Tsala India ghoshika sukusholo, tuqhou kupughulo, phuiko eno akinni kupughulo inami ghakhu sasu kiheshe akeulo ghuza kepu sughi kepu shi aghi aye.
- ii) akupuna msuphe vekepu shike lono.
- iii) Atsa hami ikhiphe moke pu yeza shipuaghi keu piphe veno kughaki (court) yeza thave kepu shi aghi kelo.
- iv) timi lakhi kuxu eno aphimpi sukushopulo kumsapu shive kepulo.
- v) Asutsa ikhiphe shive keu lono akipimi kumla phuju (investigation) akeu lakukha shive, momu akipimiu kughamlave kepu shive kelo,
- vi) Lhidi kukughu eno tuqhou tsa, momu alokutsu phukiphe kumla qo ikhiphe shive kelo shikupusapu shi aghi kelo kunguu ayekipemino phujuno pithive keulo aqou vehupu shi aghieno pulotsu moaye.
- vii) Aqo hikivipu ghenguno kumono luthu pulou vehupu shi aghi aye.
- viii) Timi lakhiwu luthu nhemgha kiqu lono pukhave keu (copyrighted) sutsa qoye pesu tsu mla.
- ix) Cabinet kukuqtsa kaku qoye xakutha shimphi loye ikhiphe shimla.
- x) Parliament momu State Legislature chipiu hexave kepu shive kelo.
- xi) Khiuala ghili ithivepu ayekumo lono timi lakhi tuqhou chipiu hepho ilove kepu shi aghive kelo, momu Public Information Officer no phujukelo pithive keulo aqou vehupu shi aghimo kelo.

Ikemu asutsa khikhi Parliament momu State Legislature pithimo ivemla keno tipaqoye timi luthu laughi pithimo ive mla. Tuqhou eno sukusho mqo (Security Organizations) qo kumla hami ye RTI yeza bocholo supuamo, ikemu shikupsa eno timi chipiu hexa vekelo likhino inijulu nani.

Aqo mpemi (Public Authority) lakhikhino PIO eno APIO aghi mosa. Noye Aqo mpemi kudau PIO momu APIO qo launo kiu kiumu inijulu nani.

## 7. KIHUKUTHA DO: noye hipado lono khokichile ithulu mosa:

**Atsala 30:** Akiye eno tipagholo hikitha tsupuakeu me ithuluveke thiu PIO ye pithive mosa, momu milive kepu shi aye akiqi pive mosa.

**Atsala 35:** Tsala inju keu kaku APIO lau ighi aye.

**Ayi kihedo 48:** Tsala timi lakhi kuxu eno pachipiu vehulo shive aghi aye.

**Atsala 40:** Tsala amqo akuthuu lau wuve aye.

**Atsala 45:** Timi chipiu hexave keu tsa shi aghi kelo. Information Commission no pithi kulupu shi puloza tsumosa kepu vehulo.

## 8. AME KIHUKUTHA.

<b>Kaku sukeu me (Application fee) (Basic)</b>	<b>Pithikutsu me (Cost of Information) (Additional fees)</b>	<b>Sukeu ghola (Mode of payment)</b>
<b>Ghuka 10.</b>	<ul style="list-style-type: none"><li>• A4/A3 size kaku = Ghuka 2.00 apa lakhilo</li><li>• Apa tinguno akijeu = ametho</li><li>• Yekiphe kakuqo = ametho</li><li>• Qhokiphepa qo = apa lakhilo Ghuka 2</li><li>• Floppy/diskette = disk lakhilo Ghuka 50</li><li>• Kimihi nhemgha(models/samples) = ametho</li><li>• Kakuqo lheju keu = ayikihedo lakhi ye kumsa ikemu tithiu ye ayikihedo lakhikhilo ghuka 5.</li></ul>	<ul style="list-style-type: none"><li>• Chhokikili, eno michikaku luveni</li><li>• Demand draft</li><li>• Bankers' cheque.</li></ul>

**ITHIKUTOLO:** Athokhami (Below Poverty Line (BPL) qolau ye ame alumo.

Ado hecheveno pithitsu aye ame sumo.

## 9. QHUINIJU KEQO

(a) **Atughuu:** Noye First Appellate Authority lau wulu nani, tsala:

- Tsala PIO momu APIO no okiye milive aye.
- PIO xakutha no omlo ghimeve aye.
- Ame chilo ve aye.
- Ado kihikutha kiqi lono okhochile move aye.
- Khokichile lo kupumo, pishiqhi momu miki aghi aye.

- Pithikutsu lo aghakiqi kuha aye.
- Khu keu kiki lono tsumo aye.

Kihikutha do vecheve kethiu momu okhochileve kethiu atsala 30 dolono okiye pesu PIO momu APIO lau tsulu nani.

Okiye kaku lo hipaqa yesuni:

- i) Aje eno akungo-aje
- ii) PIO je eno a-aje
- iii) PIO no tsukeu kaku Order No., atsala eno paje
- iv) Ikhonhei kiu ghenguno yekithe anikeno akiqi
- v) Kiu inju momu khu ani keno
- vi) Kiu ghenguno inju kithe mosave keno
- vii) Ayezamqo khipau kiki lono inju kithe ani keno
- viii) Akiye suakeuno kiu phujulu keno (verification)
- ix) Kiu ithikupha nike ghenguno qhuinju kithe ani keno.

**Akiye gholo kaku sukuqha mosa keqo:**

- Khokichile tsukeu kaku qhophe keulo jemichi sukeu
- Kaku mosa kepuqo khikhi nono injuni akeulo kuphulu kepuqo
- Kaku sukuqha puakeqo kiu kiu keno kichekutsu kikithi (index)

Noye Nagaland State Information Commission lau piwulu nani, tsala:-

- i) Hipaqa ghenguno noye akiye sumlave aye;
  - a) PIO omu APIO sukusu shimono aghi aye.
  - b) PIO momu APIO no okiye milive tsu aye
  - c) PIO no okiye pesu Appellate Authority lau puwutsu move aye.
- ii) Iniju akeu ithilupe mono milive aye.
- iii) Khochile move momu kihikuthado vecheve aye.
- iv) Ame ihulo khu aye.
- v) Khokichile no kupumove, pishiqhi momu miki aghive aye.
- vi) Hipau yeza kiki lono kiu kiumu inju eno ithulu mosa keu vehu ghenguno.

Tsala RTI peitha kelo ohachileve aye, amlothoshi mlatsumo aye, momu amlotsumove aye, tipau tsa pesu akiye lono Commission hipau lau ighi mosa:-

### **Nagaland State Information Commission**

Old Secretariat Complex,

Post Box 148,

Kohima, Nagaland – 797001.

Tel: (0370) 2291595(O), Fax: 2291798,

Email: [cic\\_nagaland@yahoo.co.in](mailto:cic_nagaland@yahoo.co.in)

Website: [www.nlsic.gov.in](http://www.nlsic.gov.in)

### **9(b) Qhuiniju keu Akiniu (Second Appeal)**

Itaghi, tsala nono Atughuu Appellate Authority wu xakutha lo oghaqimove aye, momu nono qhuiniju kithe kethiu atsala 30 ngo 45 dolono khokichile ithumlave aye khokichile tsuke thiu atsala 90 dolono noye Information Commission lau qhuiniju kithelu kepu ochipiu ani.

### **10. Aghime (Penalty)**

Nagaland State Information Commission no PIO shou atsala lakhilo Ghuka 250.00 lulu nani ike tiye akichiuno iku Ghuka 25,000.00 kutolo, ike tiye hipaqa ghenguno:-

- i) Akiqi kuhano akiye kaku milivestsu kelono,
- ii) Achipi kumo lono iniju akeu tsumove kelono,
- iii) Ado kihikutha dolono pithitsumo ve aye,
- iv) Ithithaino muzumo keum, kupumo keu eno pishiqhi keu khokichile tsu aye,
- v) Pithitsa shipusave aye,
- vi) Pithitsa tsuni keulo vekha aye.

### **11. Akiye (Application) yenikeu ghola:**

- i) Ampemi khunono nono avehupu shi akeu sutsa tsulu nani keno ithive paghi lo.
- ii) Nono puzuuno akiye supauakeu pasu iniju kithe nishi aye RTI pe ithalo. Kichekipiye, passport lunike ghenguno ishino akiye supuani, eno thoghiuye RTI pesu iniju aye RTI kiye kaku tiye okuphulumo nani.

- iii) Pithitsa (information) ye kumsano ighimo nani. Noye tipaume sumosa nani. Khije sukepu keno inju kuto paghilo tishimo aye ashekhalo noye kutomo sumosa kepu shive luvi.
- iv) Akiye ye kakupa kumsa lono English, Hindi momu nolikhi notsa lono yepe PIO tsuslu nani.
- v) Akiye lo mtsumshei, eno kiu avehupu kenokiu phuju nishi ani eno lhejunishi ani keno kumtsu sukuqha veghi yemoso. Nono michimo keu inju aye michimo keu pithitsa otsu nani. Kishekulushi yenikeu avehu izu kevalo, eno avehupu shi akeu akikithishi yelo.
- vi) Nono kiu ghulokilo kumla pasu avehupu shi anikeno pilo.
- vii) Kiu gholauno pithitsa otsu penishi anikeno yelo.
- viii) Kishipu pithitsa otomosa keno tighi yevelo.
- ix) Osasu kiheshelu nikeu ghola kishekulu tsuve mosa. PIO ye olau yepuwu nikeu me khije shinani keno ithive mosa nani.
- x) Nono kiu ghenguno pithitsa (information) khu ani keno akiqi pimoso keu kumo.
- xi) Okiye kaku ghola Ghuka 10.00 sunani, momu Demand Draft momu banker's cheque sulu nani.
- xii) Tsala nono athokhami jolo (BPL) timi shi aghi aye tishi pilo eno ti piye kepu michi hami Ration Card momu ID card piye mosa.

## **12. Kumsulu mosa kepu hami:**

- i) PIO momu APIO ye okiye milive monani tsala nono inju akeuno pamishilo shi aghimo namu.
- ii) Tsala kakuno a-a kumolo ighi namu PIO no kiqhe pesu achipiu alo puwuvetsu mosa, eno atsala 5 dolono tipau sutsa opithive mosa.
- iii) Tsala nono yemla kemi shi aghi aye momu alho kupumo kemi shi aghi aye noye PIO kukuphu luno okichitsa pesu akiyelo suve lunani.
- iv) PIO launo nono akiye sukeu eno ame suvekeu khokichile kaku luve mosa.
- v) Noye PIO launo pithitsa lunikelo khije wove nani keno ithive paghilo, Nono ame tsumphi loye pithitsa olau tsumo nani. Ame khije keno pesu opithi keu ngo nono tipaume su keudo pesu Vekutha do (Intervening period) ipi ani, eno tiye pesu ado kihikutha achekeulo kihimo nani.
- vi) Qhuiniju kithe (appeal) keu meye lumu.

### 13. IGHINIKEULO:

**RTI Yeza – tiqheli ighini keulo ghenguno Akighiche samo lakhi.**

**Ochiptu ghenguno kumjolo eno itehino Mlalo**

*“Timi lhokusami KUMLANO aqo aho shipusa chemoe, ikemu alhoaye lono timi kivimino MLAMO keu lono ke”.*

*“Tsala timi lakhino achipi kumo eno akumla lhokusa mjo chilemo aye, paye ti shikumto ani”.*

*“Shikupusa yekipeye timiqo pelo akijiviloghi xulupe chemo, momu akijiviloghi thiye chemo”.-  
Shiv Khera.*

**Pithikutsu phulupe nike Shikumto kutsu kupughu qholono hi Yephe tsulu ani:-**

**RTI Cell,  
Administrative Training Institute  
Kimho, Kohima  
Nagaland 797003  
Tel: (0370) 2280068(O)**

---

Text and design by:- Er. Worhongthung Ezung, ATI